


talakayan at pagbubukas sa puna at mungkahi, isinilang ang mga obrang tunay na nagsasalarawan ng buhay na karanasan sa pakikibaka ng hukbo at masa.

Ngunit, katulad ng isang tao, makikita lamang ang husay ng mga nalikhang pyesa kapag ito ay naglilingkod sa masa; kapag ito ay nasa piling at niyayakap ng masa.

Taglay ng mga dumalo sa palihan ang dagdag na kumpyansa at kapasyahang higit na magpunyagi upang makapagsanay ng pinakamalawak na bilang ng mga manggagawa sa kultura sa hanay ng masa.

Sa buong proseso ng palihan, ang linyang “mula sa masa, tungo sa masa” ang naging makapangyarihang gabay sa pagpapahusay ng mga kasanayan sa iba’t ibang porma ng sining at panitikan. Ito rin ang sukatan sa tagumpay ng kabuuang pagsulong sa gawaing pangkultura sa rehiyon.

H H H



Higit Pang Magpunyagi sa Pagsusulong ng Gawaing Pangkultura

Damang-dama ang kagalakan ng mga nagsipagdalo sa palihan (workshop). Tunay na isa ring simula ang pagtatapos ng aktibidad. Simula ng panibagong sigla sa pagsusulong ng gawaing pangkultura sa mga sonang gerilya sa kanayunan at sa mga komunidad sa lungsod.

Matagumpay ang naganap na Rehiyonal na Workshop sa Gawaing Pangkultura (noong Oktubre 23 hanggang Nobyembre 7). Dinaluhan ito ng laking platung delegasyon ng mga kadre sa kultura mula sa mga probinsya ng Albay, Sorsogon, Camarines Sur at Camarines Norte.


Masiglang nakapagpalitan ng mga karanasan sa gawaing pangkultura, nagbalik-aral sa mga karanasan mula dekada '70 at '80 at hanggang sa panahon ng pagsusulong ng Ikalawang Dakilang Kilusang Pagwawasto. Ito ang kauna-unahang pagkakataong nakapaglunsad ng ganitong aktibidad sa rehiyon


sa panahon ng IDKP. Naging daluyan din ang palihan para maipakilala at maibahagi ang mga inisyatiba ng ilang teritoryo, partikular sa paglikha ng mga awiting rebolusyonaryo.

Sa mga kolektibong talakayan iniluwal ang kapasyahang higit pang magpunyagi sa pagsusulong ng linya ng gawain. Kailangan pang diinan ang mapanlikhang mga pamamaraan upang maitulak ang pagbwelo sa paglalatatag, pagsasanay at pagpapaandar ng mga makinarya sa kultura sa hanay ng mga pulang mandirigma at malawak na masa. Napagkaisahang higit pa ang dapat kamtin sa pagsusulong ng linya ng gawain, batay sa aktwal na kakayahan ng mga yunit ng BHB at eryang sinasaklaw.


Kolektibong nagsanay, nakalikha at nagbabahaginan sa palihan sa sining at panitikan. Masigla ang lahat sa paghahasa ng mga talento at kakayahan sa teatro, sining biswal at musika. Malinaw na naipakita sa mga pagtatanghal sa entablado; sa nalikhang mga mural at maskara; at sa mga nabuong himig at awit ang diwang mapanlaban ng mga manggagawang pangkultura.


Ang paglikha ng mga dula, kwento at tula ay inihalintulad sa pagdadalantao at pagsisilang ng ina. Dumaan sa proseso ng pagbubuo, paghubog at pagsilang. Sa kolektibong proseso ng pagbubuo ng mga ideya,






huli kayo!





rebolusyonaryong PAMILYA



PULTAYM NA SI NENE

